

Solelheta (5/7)

La Solelheta o ausiguèt. Intrèt plan doçament dins lo cambròt per dormir al lièch de fuòc ; donèt lo sieu al Bernadonet, e li diguèt :

« Mon paire a comandat a ma maire de montar un pairòl d'òli per te far còire deman maitin, e a ieu, qual sap çò que me farà ? Mas nos ten pas encara, ni a tu nimai a ieu. Quand te demandarà : "Quin gal canta ? " li diràs : "Lo roge. " Après, quand te tornarà demandar : "Quin gal canta ? " li diràs : "Lo negre. " E alavetz, serà ora, nos caldrà partir. »

A mièja nuèch, lo Drac cridèt :

« Bernadonet, quin gal canta ?

Lo roge. », respondèt lo Bernadonet.

Al cap d'una ora, tornèt cridar :

« Bernadonet, quin gal canta ?

Lo negre. »

Alavetz, lo Bernadonet e la Solelheta se levèron. Mas, abans de partir, la Solelheta metèt, per respondre per ela, la conolha al sieu lièch e, per respondre pel Bernadonet, lo fus al lièch de fuòc. Aquò fach, sautèron sense far de bruch per la fenèstra e partiguèron coma lo vent.

Una ora après, lo Drac cridèt :

« Solelheta, lèva-te.

Me lèvi », respondèt la conolha.

Bernadonet, lèva-te.

Me lèvi », tornèt respondre lo fus.

Al cap d'un pauc, quand vegèt que se levavan pas, lo Drac tornèt cridar :

« Solelheta, tèva-te.

Me lèvi », tornèt respondre la conolha.

Bernadonet, lèva-te.

Me lèvi », tornèt respondre lo fus.

Al cap d'un pauc, quand vegèt que se levàvan totjorn pas, lo Drac se n'anèt veire al lièch de la Solelheta : i trobèt pas que la conolha ; se n'anèt veire al lièch del Bernadonet : i trobèt pas que lo fus.

Fòl de colèra, diguèt a sa femna :

« A ! aquel brigand ! nos a escapat, e la Solelheta es partida ambe el !

Non pas benlèu ?

Ò ! si, tot segur.

Partís al galaup, que los atraparàs. »

Lo Drac partiguèt e se metèt a córrer tant que poguèt.

Questions Solelheta (5/7)

1) Respond per vertat o fals

Lo Drac a decidit de manjar Bernadonet

Per lo tuar, lo va empoisonar

Solelhata a pas pus d'idèia per salvar Bernadonet

Partisson abans d'anar al lièch

Lo Drac crida a mièja nuèch

Solelheta a donat las responsas a las questions del Drac a Bernadonet.

Lo primièr còp que crida lo Drac, es la conolha e lo fus que respondon.

Solelheta e Bernadonet se vòlon pas levar del lièch

2) Dins lo texte, enròda en roge las paraulas del Drac, en blau las de Solelheta, en vèrd las de Bernadonet e en irange las de la femna del Drac.

3) Qual prononcia las paraulas qu'as pas soslinhadas ?

.....

4) Mots amagats

K	Z	E	I	Q	H	A	L	A	G
R	H	R	S	W	V	M	F	S	E
D	M	C	L	C	O	L	E	R	A
U	T	O	E	X	A	D	Y	R	R
A	Y	N	A	I	L	P	R	E	T
L	R	O	Q	V	L	T	A	I	U
P	C	L	S	H	I	O	Z	R	I
C	N	H	R	M	T	I	I	A	V
O	C	A	R	D	E	H	A	S	E
U	B	D	T	O	R	B	U	N	N
F	V	X	P	U	A	F	J	M	T

colèra - gal - conolha - fuòc - vent - drac - fus - escapar - lièch